

Bericht vnd Erflerung

Georgij am Wald / der

Rechten Licentiaten / Philosophie vnd beyder Ar-
henehe Doctoris an sezo bestalten Physici des H. Reichs
Statt Thonawerde / Wie vnd was gestalt das new von jm erfunden
Terra Sigillata vnd vniversal Arzeney / wider die Pestilenz vnd dero zu-
fellen / auch allerley eingenommen Gifte / bis vnd stich der Giffrigen Thie-
ren / für das Vier täglich vnd allerley Fieber / Seiten stichen / oder geschwe-
ren / auch andern innwendigen geschworen mehr / neuw Haupt oder Ungea-
risch Branchheit / Wassersucht / Gelbsucht / Wührm / Grimmen / Sandt/
Harnwindt / Contractur oder Leime / Zu wehetagen / auffstossung vnd reinis-
gung der Mutter / verhaltung des Wassers vnd der Weiber blumen / Rus-
ckenwehe / aufstrebung alles verstockten Bluts / reinigung des ganzen
Geblüts im Leib / franzosen / des Milz vnd allerley anderer innwendiger
Glieder verstopfung / allen vntoissenden / vnerkandten / Gehelingen franz's-
heiten / Gewalt Gottes / Hinsfallendt / freyß oder Vergicht / verfallner
Sprach / Labung vnd erquickung des Lebens / sterckung des
Haupts / Gedechtnuß / Vernunft / Sinn vnd des ganz-
zen Leibs / Und vil andern grossen schweren
Branchtheiten mehr / zugebrauchen
sey / vnd ein jeder sich daruor
bewahren sol / c.

Der Schatz / so man hie finden thut /
Ist zu bezalln mit keinem gut.

G A L E N V S .

Manifestæ experientiæ est fides habenda, nihil
etiam citra rationem audendum : nihil etiam
citra demonstrationem Tyrannico more dam-
nandum.

M. D. LXXXI.

A Rte Coi breuior, minimum nec tripla Galeno
 Vita peregit firmiter artis opus.
 Ille tamen, decies denis nonum addidit annum.
 Hic, septena quater lustra superstes erat.
 Felices igitur, quibus ante Georgius am ruald
 Quam sex lustra videt consuluit medicus.
 Consuluitq; idem Sapiens & Iureperitus.
 Non mens terrena est: uenit ab Arce Poli.
 Scire licet, medicis desertus turpiter ager
 Vnius illius sapè reuixit ope.
 Ille tenet rabida medicamina certa Podagra.
 Vesica lapides diffluere ille facit.
 Succurrit membris atro languore caducis
 Dirus hydrops, elephas illius arte fugie.
 Abdita natura scrutantem, illum prop̄ solum
 Setas nostra tulit, posteritasq; feret,
 Joannes Haslerus Bernas
 Philosophia ac Medicina
 Doctor fecit.

An meine Missgönster,

Melder ein rechter Arzt will sein
 Der muss sein Kunst haben allein
 1. Cor. 12. Von Gott / vnd mit auf falschem wohn
 Sonst hat er schlechte ehr davon.
 Das sieht man woL wie diese bstchne/
 So auf der Gottlosen grunde gehn.
 Ich nimb was gut ist allweg an/
 Das feinnütz las ich bleibden stan.
 Wer mich drumb will für sein Feindt han/
 Muss gwiss nit sein ein Erbar man.
 Warheit sol sein alzeit mein grunde/
 Und nich nit jrm der falschen mundt.
 Psal. 94. Dann Recht muss recht bleiben allzeyt/
 Und dem werdn beyshian fromme leydt.
 Bell wider bell jetzt wie du wildt/
 So hab ich Gott zu meinem Schildt.

Amicus Galenus, amicus Paracelsus:
 At maxima amica Veritas,
 & præualet.

Selbstenglich die wirkung belangend / soll man wissen/d.
 diese Teutsche Terra Sigillata am Waldina/alsbald
 eingenommen wirdt / vnd in den Leib kommt/den selben
 vnd aller desselben glider Penetriren vnd durchgehñ thut/
 Inmassen dann ein jeder solches empfindet/der achtung drauff gibt.
 Etlichen werden die hñd vñ fñs weiles wirket gar ein wenig schwer
 vnd matth. Etlichen schlaffen sie : Etlichen Zittern sie vnd gruseln
 shnen darin/doch on allen schmerzen/vnd wehret nicht lang. Und
 wo sie etwas überflüssigs/vnreins vnd bosse/das in Leib nit gehört/
 vnd die Krankheiten macht/findet / So greift sie dasselb an/on allen
 schmerzen vnd schaden des Leibs glieder. Ist dann nun dieselb
 vicioL ob schadhaft Materia coaguliert (wie dann nit alle Krank-
 heiten humores oder feuchtungen sein) so löset sie es alsbald auf vñ
 verzerts als ein unsichtig Feyer/vnd ist doch kein Feyer macht auch
 kein inflammation weder metallischer noch anderer weß / wie etwan
 ein neidischer mensch möcht fürgeben. Was aber von ihr nicht kan
 verzehrt werden/das schickt sie durch eines jeden glieds nechst eignes
 vnd bequemblichsten aufgang hinweg/also vnd dergestalt/sol etwas
 per vomitum vnd vndewen weggehñ/so thut es/gleichwol ander ges-
 stalt auch nit/als wann der magen durch das gifte hart eingenommen
 worden/vnd vol schleims vñ Gallischer Materien stecke thut. Feruer
 soll etwas durch den Stulgang/schweiss/Drin oder wasser auf ge-
 führt werden/so thut es auch/doch gar Lindlich/ on schmerzen/Con-
 vulsion, zwang/schaden vnd verlezung des leibs glieder / auch nichte
 nach art der groben vnd schedlichen Arzneye/als da sein Antimonis
 uci, Mercurius Præcipitatus, Nieswurz, Coloquint, ic. Sond lest
 also wiL gut ist unverlezt bleiben/sterkt vnd krefftig dasselb. Wer aber
 vimb die Präfürten vnd erzeugten Exempla (deren nicht ein kleine
 anzahl nichts weist/der kan vñ wirt die Prob an einem unvermünff-
 tigen Thier/dem gifte eingegebē/erfahren. Solche wirkung aber fin-
 det man nit/weder im Einkhirn/Türkische Terra Sigillata/Bolo
 Armeno, Theriaca/Mithridato/Gulden ay/noch ardn arseneyen/
 so man bisanhero wider die Pestilenz vnd gifte gebraucht hat. Fer-
 uer vnd zu dem/so darff man sich mit Purgieren/Crisieren/schräpf-
 sen und Aderlassen nit vil/wie man bisanhero im brauch gehabt/bemü-
 hen. Dann dardurch die Naturen d'Kranken nur mehr geschwecht,
 so sie doch billich wider das Gifft solten gesterckt werden. So ha
 A ij man

man auch obseruirt / vnd erfahren/ das bemeltem Procesz nach/mehe
an der Pestilenz gestorben/dann affericht worden.

Sonil von der Würckung dieses Terra Sigillata am Waldina.
Ietz will ich berichten / wie man sich mit dem selben vor der berührten
schroetlichen Krankheit der Pestilenz Präseruieren vnd bewahren
soll.

Mann soll alle morgen nüchtern (weil die Pestis regiert) insonder-
heit wann mann aus dem haus gehn will/ein wenig (wie hernach sol-
angezeigt werden) von disem Terra Sigillata in einer warmen meth-
oder Suppenbrülin/oder in einem Wehrmuth/ oder Cardo benedict/
oder Salue/oder Alande/oder Benedict wursz/oder Negel oder We-
cholderbeer/ oder Rosmarin oder sonstigen gemeinen Wein/ oder deren
Wasser einem so hievnden in der Eurirung vñ heylung der Pestilenz
erzehlt werden/ einnehmen/ vnd zwei oder drey stund darauff fasten.
Der aber daheim in seinem Gemach oder Behausung bleibt / darffs
also offt nicht einnehmen/ Sonder hat an der bereuchung gnug/die sel-
von Wechholder holz/ reyß oder beer/ oder Weyrauch/ oder Murhen/
oder von dem Terra Sigillata am Waldina (welche die lieblichst und
gesundest bereuchung wer) zu gericht sein.

Die gar starken Leut sollen von dem Terra Sigillata zu einem
Präseruatiss gebrauchen drey Gersten oder Pfeffer körner schwer.
Die Mittelmässigen Männer vnd starken Weibspersonen drithalb
Gersten oder Pfefferkörner schwer. In gemein die weiber/vnd die je-
nigen/so von achzehn Jaren vnd darunter zwey Gerste oder Pfe-
ffer körner schwer. Die schwangern frauwen/ Kindbettern vnd kinder
vnder zwölff Jaren anderthalb Gersten oder Pfeffer körner schwer.
Die kinder von acht Jaren ein Gersten oder Pfefferkorn schwer. Die
Kinder von Sechs Jaren ein halb Gersten oder Pfefferkorn schwer.
Denen aber bitter ding zu wider / die mögen darzu honig oder zucker
mengen/ Mögen auch zucker zeltel darauff machen/oder in einer dürr-
ren Feygen einnehmen. Man soll auch stettigs einen Bisenknopf
auff die weisz (wie volgt) zugericht in henden haben/ daran man reu-
che. Mann soll der Terra Sigillata am Waldinæ eins oder zwey
grobblech zerstoßen oder zerschniden/in ein doppelt leinen tuchlein ge-
wicklet / vnd mit einem Essig ein wenig angefucht / vnd dann in ein
Eilberl oder hilzhen Bisenknopf von Wechholder holz gemacht/
thun/ vnd offt darzu riechen. Neben dem soll man auch ein zeltel diser

Terra

Terra Sigillata am Waldinæ inn ein Leinen oder Seiden tuchlein
binden vnd jimmerzu am halz tragen. Wer viel vnd oft vnder das
Volk kumpt / beuorab zu denen/die mit der bösen Sucht behafft/die
sollend ein wenig von diesem Terra Sigillata in Mund neissen. In
der Wochen oder in vierehen tagen auffs lengst/ soll man ein mal so
viel von diesem Terra Sigillata einnehmen/ als einer/ so albereit mit
der Sucht schon beladen einnehmen muss/ Dauon man hernach in der
Eur vnd heilung gnugamen bericht finden wirdt. Diz soll zu mor-
gents nüchtern beschehen/ darauf ein stund / anderthalb oder zwei/ so
lang es die krafft erleiden mag geschwizt/ vnd vier stund vngeschwirlich
nüchtern geblieben / Wer seine stulgang nicht täglich haben kan/ der
soll sie ihm mit zapfflein von Alauen / oder Speck oder Seyffen/oder
von vier Lot gesotten Honig vnd zwey quintel gestossen Senetblet-
ter vnd ein quintel Salz vermischt/ Oder mit andern geringen Pur-
gir Arzneyen/als von Himmel schwertel / oder Senet/ oder Engel-
sich/oder Zwetschgen/re. machen. Was einer für Speis inciden soll/
wirdt hernach in der Eur erzehlt. Ein geringer subtler Wein ist der
muzlichest Trank. Sonsten soll sich auch einer hüten vor füllerey/
Zorn/Forcht/Trawigkeit/ Mittagschlaff/ gemeinen Bädern/vnd
aller vnsauberkeit/etc.

Also hat man gehört / wie man sich mit diesem Terra Sigillata
vor der Pestilenz bewahren soll / Ietz will ich auch ferner anzeigen/
wie man damit dieselsb vnd dero zufellige Krankheiten Eurieren vnd
heylen soll.

Dennach wenn Gott der Herr einen mit dieser erschrocklichen
Sucht der Pestilenz heimsuchet / So soll er erstlich vnd zuvorderst
Gott den Allmechtigen vñ abwendung seines Zorns vñ der Krank-
heit/ mit rechschaffner Buß vnd Warhaftem glauben anrüssen vñ
bitten. Darnach soll er als bald vnd von stundan je ehe je besser diese
Terra Sigillata am Waldinam in nachverzeichneter quantiteit
vnd gestalt einnehmen/ Und darauff in einembett wol zu gedeckt/vn-
geschlaffen / zwei/drey oder vier stunde/ so lang es die krafft vnd natur
erleiden mag / schwizzen/ vnd leichtlich den Schweiß mit Tüchern gar
wol vnd Warm ab trücken/vnd den Kranken in ein frisch Bett/
vnd frische Tücher legen. Den gar starken Leuten sol man ein ganz-
es Zeltel/wie es ist geben / Heilt einen Scrupel oder den dritten theil
von einem quintel. Den Mittelmässigen Männern vnd Starcken

Weibs personen soll man Sibenzehen oder achtzehen Gersten oder
Pfeffer körner schwer vngesehrlich geben. In gemein den Weibern
vnd denen so von achzehen jaren vnd darunder sol man fünfschen ob
sechzehen Gersten oder Pfeffer körner schwer vngesehrlich geben.
Den Schwangern Frauwen/ Kindbettern vñ kindern vnder zwölff
jaren/sol man zwölff oder dreyzehen Gersten oder Pfeffer körner
schwer vngesehrlich geben. Den kindern von acht jaren sol man acht
oder neun Gersten oder Pfeffer körner schwer vngesehrlich geben.
Kindern vnder Sechs jaren/ soll man Sechs oder Sieben Gersten
oder Pfeffer körner schwer vngesehrlich geben. Ferner es sey Com
mer oder Winters zeit / es komt auch ein person die Pestilenz mit his
oder frost an/ so mögen es alt vnd junge Leut schwangere Frauwen/
Kindbettern vnd kinder/dise Terram Sigillatam innemmen/in eine
kleinen Trinklein nemlich einen oder zwen Löffel vol gewernbten
Cardo benedict/oder Wein rauten/oder Erdrauch/oder Behedisch
oder Borago/oder Erdbeer/oder Creuzwurz/oder Schlüsselblume/ oder
Ehrenpreis/ oder Eysenkraut oder Braunellen/oder Melissen
oder Betheronien/oder Saurampffer wassers/ oder Rosen essigs/oder
eim geringen weissen weins/ein wenig mit Rosen essig vermischet/ d
gleichwohl gegen den kindern mit sol gebraucht werden. Oder die sol
che wasser vnd Materien zur not nit haben können/ die mögen es in
eine warmen geringen vnd mit sehr gehopfsten Vier vnd Erbhod
Fleisch brülein innemmen. Welche aber nicht gern bitter ding brau
chen/die mögen es innemmen in einem Wech/oder mögen darzu ho
nig oder Zucker mengen. So auch die Arzneien wider von dem krä
cken brechē oder stossen wolt/sol man jm so oft widerum ein andere
geben/vor angezeigter quantitet vñ gestalt/bis sie bleiben thut/doch
sol allweg zuvor der mund mit essig vnd wasser vnder einander ver
menge/oder Wein/oder wasser allein/welches man in der not haben
kan/wol auf gespület werden. Damit aber auch die Arzneien desto
lieber bey dem Kranken bleibe/so sol man ein schnitten Brot (was
es bähet/wers besser) in essig nesse/darauff Meuseatnus puluer streue/
vnd dem franken für den mundt heben/ vnd darzu riechen lassen.
Auch ein vngesotten roh Ei jm in das grübel vnder der gurgel legen.
Wann der Patient nicht schwiken kan/sol man ihm den Kuchen ab
vnd ab/vñ die Solen an beyden Füssen mit Lorber oder Rauten/ob
Holder blü/ oder Sanct Johannis Kraut blü ol/on Terpentin zuge
richt/

Höht/warm schmieren/vnd darnach etlich gepraine zwibel genommen/
vnd halb so viel Holder oder Weckholder Sels oder Latwergen/
vnd einander gemenget/auff ein leinen tuch Pfasterweiz geschrückt/
vnd auss wermet über den Nabel geschlagen. Oder einen heißen
neuen Ziegel stein mit einem leinen tuch in essig geneckt/vntgeschla
gen/zun füßen an die Solen gelegt. Oder man mag vier säcklein
von leinem tuch machen/dieselb mit Schelkraut oder brennend nes
seln/oder Cardo benedict Kraut anfüllen/ vnd wann sie ein weil im
wasser gesotten /sol mans ein wenig auf trucken/ vnd darnach eins
zwischen den Beinen ob den Knen legen / das ander vnden an die
Solen/das dritt vnder den Rücken/vnd das vierdt vorne auff das
Herrz grüblein. Im schwiken sol der Patient/wie vor vermeldet/ nit
schlaffen/ auch jm der schlaff innerhalb den ersten vier vnnid zwenzig
stunden keins wegs gestattet werden. Wan er aber je sich des schlaf
fens nicht enthalten könnde/sol man ihn bey der Nasen/Ohren vnd
haar zopffen/ auchstats einen schwamm oder tüchlein/in scharffen essig
genecket für die Nasen halten. Dieweil er schwizet / sol man den lufft
im gemach mit allerley bereuchung seubern. Man kan auch kein bes
sere/gesundere vnd lieblichere bereuchung haben / als wann man ein
wenig von dem Terra Sigillata am Waldina auf ein glut leget/
das freßtige vnd fierct die natur gewaltig vnd verdreibt allböß vnd
schedlich lufft / etc. So etwa der frank im schwiken ohnmechtig
wirt/sol man ihn nicht geheling aus dem schweyß reyssen vnd külen/
Sonder man sol jm im best erquicken vnd laben mit wolriechenden
vnd kostlichen wassern/als Rosen vder Negel blümen oder Lauendel
essig. Man mag jm auch beneben eingeben ein etlich tropfen Zimets
wasser oder andern kostliche lebendigen wassern. Item eingemachte
Citronen/oder Margranten/oder Krafft zeltel / oder Rosenzucker/
oder Barago zucker/oder Melissen zucker / oder Beyel zucker / oder
Erbal/oder S. Johannis Berlin Saffe. Aber die best labung wer/
das man ein gersten korn schwer von dem offt berührten Terra Si
gillata vnder zimlich vil zucker vermengt/in einem oder zwen Löffel
voll Lauendel/ob Melissen /oder Saurampffer oder Rosen wasser
ingebe. Beneben soll man auch nemmen ein Eyer dotter / Wein
rauch/ Saffran / vnnid Salz jedes gleich vnnid souil als mann mit
zweyen fingern fassen kan / wol vnder einander gemischet/vnd pfla
sterweiz pber beyde Puls der henden gebunden. Dieser gestalt sol
man

man ihn auch laben / wann ihm nach dem schweiss ohnmechtig werden wolt. Und da ihn auch im schwizzen ein solcher grosser durst vber siele / das er vermeint kont nicht vngetrunkent sein / So mag man ihm der jes bemeletten Wasser eins mit einem oder zweien Gersten körner schwer von de Terra Sigillata am Waldina vnder zimlich vnzucker vermenget ein guten trunk oder zweien / vnd mehr als sonst zur labung gehort / doch nicht zu sehr / kalt zu trincken geben / vnd nicht desto weniger den schweiss gar verrichten / Aber gar nichts getrunkent wer am füglichsten. Mann sol auch gut achtung geben / das der Kranck im schwizzen das haupt nit vnder der decke / sonder frey habe / vnd ist gung das es mit einer schlaffhauben vmbgeben sey / Und da auch im schwizzen das Haupt mit his beschweret wurde / So sol man nemen etlich lebendige Krebsen die selb also lebendig in einer mörser zu einem muck zerknitschen / durch ein Leinen tuch getruckt / vnd ein wenig Rosen oder Holderblust Essig darvunder gemenget / auf ein toppelet Leinen tuch gestrichen / vnd dann über beyde schläff vnd stün gelegt / vnd wann es trucken worden / widerumb in jes angezeigte Materien eingeneigt und vbergeschlagen / Dieses so offt gehan / bisz die his vergangen. An dessen statt mag man auch nemen von vier Eyern das Clar / darunter vier Löffel voll Holder oder Rosen essig sampt einem quintel Gaffer vnd einem quintel Weyrauch klein zerriben vnd gestossen vermenget / wol vnder einander geklopft / vnd dann angeregter gestalt über die schläff vnd stün geschlagen.

Wann nun der Kranck gnugsamlich geschwizet / so sol man das bett / wie oben berichtet / mit rein geweschnen tückern erfrischen / oder da es in sein vermögen / sol man ihm in ein ander bett vnd Gemach / inn welchem der Lufft auff vor angezeigter weis gereinigt / legen. Nach dem Schweiß zwei stunde vngefährlich (wann es ihm andert nicht zu lang vnuo er zu Schwach) sol man ihm geben ein Hennen oder Capaun oder ein Kressfiggs fleisch Süpplein / das zimlich wol gesewuert sey mit Essig / vnd diß sol offt bescheiden / damit er sein gemach widerumb zu Kresseten gebracht werde. Er sol etlich tag / starct / grob / schleimig / sharpff gewürzt vnd vndeuwige spes meiden / vnan- gesehen / ob er sich schon wol befunde / Und was er sonst essen thut / das sol ein wenig sawr gemacht werden von Essig oder von sauren Säffen / als Erbsal / oder Johannis Berlein / oder Weichseln oder Sauvrapfffer / oder Algres / oder Citronen / oder Limonien / oder saur Pome-

saur Pomeranzen / &c. Sein tranck sol sein ein frisch Brunnenwasser / darinnen zimlich vil zucker Rosat / oder (das noch besser wer) der jes beürten Säffen einer zerriben / sonderlich der Erbsal Safft / Und neben auch ein schnitten Brots / ein gewiechett sey. Solches Tranck ist ihm gesunder als gesotten Gerstenwasser / welche die francken nur noch mehr schleimiger machen. Den wein sol er meyden auff vierzehn tag vngefährlich / es wer dann sach / das einer gar Krafftlos vnd schwach / auch des Weins gewohnet / So mag man ihm als dann ein geringen / Subtilen weissen Wein zutrinken zulassen / Doch das er mit Rosen / oder Sauvrapfffer / oder Borago oder Melissen wasser / oder mit nechst hieoben angezeigtem tranck gemischet sey. Neben dem essen vnd trincken / sol man stettigs andere gute sterckung gebraucht als diejenigen / so ich oben erzehlt. Und sol in sonderheit von diesem nach verzeichneten Latwerk im tag gar offt schleckken / Man sol nemmen Rosenhonig drey lot / Erbsal Safft zwey lot / Engellies vnd Fenchel samen klein zerlossen jedes ein quintel / vñ alles wol vnder einander gemenget. Dieser Latwerk freßtige / kult / nimpt den husten weg / vnd behelt den Leib fein natürlich offen / Wer in siesser wil habet / sol noch ein lot Rosenhonig darzu mengen. In henden sol er allweg etwas wolreichendts haben / daran er reuche / Und kan nichts lieblicher vnd das in mehr erquiche / haben / Dann den Bisemknopff / so ich droben in der Präseruierung vnd bewahrung vor der Pestilenz verordnet. Aufwendig sol man ihm die lincke brust / darunder das herz ligt mit diesem nachfolgenden Säblein offt schmieren. Mann sol nemmen Melissen ein quintlein / Saffran vnd Gaffer jedes ein halb quintel mit frischem butter zu einem Säblein gemacht. Ditz sterckt das herz sehr wol / Und mag vor / in vnd nach dem schwize gebraucht werden. Er sol auch den mundt mit deren Materien einer so hieoben darzu verzeichnet offt spülen.

Wann dann nun der Kranck den ersten Schweiß vollbracht / so sol er nach acht oder neun stunden (wann es ihm andert krafft halben möglich) widerumb ein Terra Sigillatum einnehmen / vnd sich aller dings halten / wie hieoben erzehlt. Übersticht er nun auch diesen schweiß / So bedarfet er sich hernach nichts mehr befahren / wann auch die Sucht schon über die 24. stunden angestanden / Es wolle dann Gott der Herr sonderlich einen straffen / Oder es ist einen von Gott außgesetztes Zill verhandt. Es sol auch nachvolgends der Kranck nicht

ünderlassen / noch alle tag / oder außs wenigst über den andern tag all wegen so lang er sich vbel befindet / außtache tag ungethlich ein Terram Sigillatam angezeigt gestalt / ein zunemmen / Und allwegen darauff geschwizt / Damit das Gifft gar durch Gottes hilff weg getrieben werde / vnd nit wie es bald beschichte wider komme. Doch darff er hernach so lang nit mehr schwizen als zuvor.

Ferner wan sich Beulen / Drüsen oder Blättern erzeigen / so sol man die blecker von Braunbeer staude / oder Flöckraut (d) noch besser vñ freßtiger wer mit den schwarze oder roten flecken in wein sieden / vnd Pfasterweiss ein wenig warm über schlagen / d) weicht vñ machen allein zeitig die beulen vñ geschweren / sonder zeucht auch d) gift gewaltig vom herthen. Oder man mag an deren statt neinen weisen mel / Honig / vñ ein wenig Salk / ein teiglein darauf gemacht vñ vber geschlagē. Oder man mag auf Bolo Armeno vñ Feyge wol unter einander gestossen / ein Pfaster mache. Oder man mag neinen einen zimlichen grossen gebratnen zwibel / oder vogelreim / vñ darunter ein gepuluerets Zeltlein desh mehr bemelten Terra Sigillata mengen / vnd Pfasterweiss / wie angezeigt / über gelegt. Doch sol man achzung geben / das solche pfaster außs wenigst im tag zweymal ernewret / vñ in der mitte etwas geöffnet werden / damit die Gifftigen demiss über schlagen mögen. Wann nun die Beulen also zimlich herfür gezogen / vnd aber von jhn selbst nicht außbrechen wolten / So sol man sie am dritten tag hernach oder zuvor / ob sie schon nit zeitig / mit einer sti- ten öffnen. Darnach sol man die offthemelt Terram Sigillatam / oder Alau / oder Vitriol / oder Weinstein klein gepulueret mit honig vnd Eyr doct / zu einem Säblein machen / vnd ein feslein damit bespreichen / vnd in den schaden legen. Darüber sol man auch nach ver- sei hnets am Waldinisch Pfaster legen. Oder man mag auch bei mit disem am Waldinischen Pfaster ein wiglein od feslein bestreichen / in den schaden gelegt / vnd von aussen darauff das Pfaster wie jey bemelt. Dardurch wirdt nit allein das faul fleisch / Exter / vnd alle überflüsse vrreinigkeit auf den geschwehren weg genommen / Sonder sie werden auch dadurch von grund auf gereinigt / vnd zu vollk omlicher heilung gebracht. Das Am Waldinisch Pfaster sol also zugericht werden. Man sol Ammoniaci klein zerstossen vier lot in einem essig verlassen / vnd stiiglich sieden / vnd dann also heiß durch einen Sack seyhen vnd trucken / So bleibt das vnein dahin- den. Dar-

ben. Darnach sol man was durch gesigen vnb getruckt / widerumb sieden so lang bis der essig gar dariouon gerochen. Man sols auch stet- tigs rören / Damit es nit anbrenne. Dann sol man in einem andern besondern verglasierten Hafen / oder pfannen zehen lot wachs vnd Sechs lot Hasenschmals bey einem Feurlin gar langsam vergehn lassen / vnd wann es ein wenig kül worden / So sol man darnach den vorgesotten Hamm / vnd darzu Dannenhark zehen lot / Item Ter- pentin / Myrrhen / Meusörlein kraut / Tormentil jedes zwey lot da- rein thun / Doch sol alles zuvor klein gepulueret werden / Was sich puls- uern lebt vnd also zu einem Pfaster gemacht. An statt des Am- moniaci mag man so viel Galbanj oder Bdellij nennen. An statt des Hasenschmals souil Leinols / aber das hasenschmals wer besser. An statt der Myrrhen souil Begrach oder Mastix. An stat des Meus- örlein kraut souil Magnet / oder gelbe Agstein / der Magnet aber wer- am besten. An statt der Tormentil souil Natterwurz oder Boli Ar- meni. Dih Pfaster ist auch gar trefflich gut zur weichung / herfür- ziehung vnd zeitigmachung der beulen vnd geschwehren. Das glied herumb ringsweiss beuorab wann es ein schwarze blatter ist / sol man mit Garben / Weddritt / Genserich / Gulden gunsel / breiten oder spi- kigen wegrich safft schmieren / Damit es nit weiter vmb sich brenne. Oder man mag nemen Bolum Armenum / vnd mit weissen Gilgen / od Rosen ol ein Säblein gemacht / vñ wie jey angezeigt / gebräucht.

Letzlich sol man hiebey wissen / wann sich zuselliger weiss (wie es- offt beschichte) begebe / das einer nach dieser schwehren Krankheit Wurm oder durchfliss bekeme / daher auch darfur am vil beneficiu Terra Sigillata ein gewisse Arznei haben kan. Aber es darff ei- ner außs einnehmen nit schwizen / wie man in der Pestie thun muß. Es sol auch ein jede Person jre alter nach vier Bersten oder Pfesser körner weniger nennen / als droben verzeichnet. Diejenigen so würstu haben / sollen sich auch beneben in vnn vmb den Nabel mit S. Jo- hannis kraut / oder Rauten / oder Wehrmuth ol zuvor zimlich ge- wernt / offt im tag schmieren. Die aber mit den durchflissen behafte seind / die sollen auch beneben Küttent Latwerk oder Saurampus safft / oder Muscatnus / oder Tormentill / oder Natterwurz / oder Mandelmilch vnn dergleichen sachen brauchen. Doch sollen sie mit diesen stücken nit zu geheling gestelt werden.

Souil sey geredt / wie vnn was gestalt man (mit verleyhung

Göttlicher Gnaden) durch die Terram Sigillatam am Waldinam die Pestilenz vnd der selben zufälligen frankheiten Curiren und sich darvor bewaren sol. Jesundt wil ich auch weyter anzeigen wie es wider andere schwere frankheiten mehr zu gebrauchen sey.

Lestlich wann einem Gifft von Thieren / Metallen / Mineralien / Kreuterem / Schwemmen / oder andern gewechsen inn speys oder frank gegeben wirdt / der sol von stundan diese Terram Sigillatam in einem guten trünck gemeinen warmen Wassers / oder Honig wassers / oder Baumöls / oder Nußöls / oder bitter Mandelöls / oder Wehrmut Weins (der sehr bitter ist) einnehmen / vnd nicht dar-auff schwizzen / das wirj ihn alsbald vndewendt machen / vnd von ihm weg treyben / was Gifftigs im Magen ligt. Wann er also gnugsam vngedewet / so sol er nit lang feuren / sonder als bald widerum ein Terram Sigillatam in einem kleinen trüncklein guten warmen Weins / oder der oberzehlten Wasser oder Tränker einem einnehmen / in welcher der jenig / so mit der Pestilenz behafft / einnehmen sol / vñ darauff gar wol schwizze / So wird dardurch das vbrig gifft / so sich in de Leib aufgetheilt / weggetrieben. Da er sich aber auff diß / noch ein wenig macht schwach befunde / so sol er nit nach lassen / hernach noch auff einen etlich tag alle morgen / oder auffs wenigst über den andern tag alzeyt nächtern ein Terram Sigillatam ein zunemmen / vnd darauff geschwizt / damit das Gifft gar auf dem Leib komme. Man sol auch hier mercken / waß einer morgens nächtern die Terram Sigillatam einnehmen thut / das im denselben tag / kein gifft / wie groß es ist / schaden kan. Und ist vnnötig / das einer dieser gestalte darauff schwizze.

Nam andern / Wann einer von einem Wüttenden Hundt / Schlangen / Matern / Scorpion / Spinnen / oder andern Thiere gebissen oder gestochen wirdt / so sol er diese Terram Sigillatam auch inn deren Wasser oder Tränker einem einnehmen in welchem der jenig / so mit der Pestilenz behafft / einnehmen sol / Und wol darauff schwizzen / vnd sich hernach fernner aller dings halten / wie ich von dem eingetnommen gifft gemelt. Über den biss oder sich / sol man deren Pfaster eins / so ich droben bey den Pestilenz Beulen und Geschwernen erzelt / vberschlagen vnd darnach zur heylung bringen / wie am selben ort angezeigt.

Sum dritten / Wann einer das Seyten Stechen oder Brustgeschwir / Pleuritis genannt / hat / So sol er diese Terram Sigillatam

lam in einem kleinen trüncklein / Cardo benedict oder Behedistel / oder Wegwart / oder Pfaffenblatten / Oder Mansrew / oder weiß Begdistel / oder Bocksbart / oder Borago / oder Pastemekraut / oder Ochsendungen / oder Rittersporn / oder Braunellen / oder Gulden Gunzel / oder Stalkraut wasser / oder inn einem Meth / oder Fleisch oder Erbissbräulein einnehmen / vnd darauff schwizzen so lang es die krafft erdulden mag. Wer aber jes berürte wasser nicht haben kan / der sied die kreuter in gemein Brunnwasser / vnd brauch es / wie bemelt. Nach acht oder neun stunden (wann es jm andern krafft halben möglich) sol er wiederumb ein Terram Sigillatam einnehmen / vnd abermahlens darauff schwizzen. Völgends soler sich die andern tag halten / wie droben von denjenigen gemelt so an der Pestilenz frank ligen. Er sol auch im tag etlich mal / bevorab zu morgens vnd naches von de nachvollgenden Tranck trincken. Mann sol Cardobenedict Kraut vier lot / vnd Rosen honig oder gemeinen Honig zwölff lot in einer Maß wasser / auff eine gute stund sieden lassen / durch ein leines Tuch siehen / vnd dann was durch gesigen / gebraucht. An statt der Cardobenedict mag man nehmen / der andern jes bemelte kreutern eins. Aber Cardo benedict hat vor allen andern den preis. Nebenbei sol er auch von der Latwerg / von Engelsieß / Fenchelsamen / Erbsalssafft vnd Rosen honig zugericht / so man droben in der Pestilenz verzeichnet findet / im tag gar offt schlecken / vñ kan so offt darvon nit schlecken / es ist jm gut. Eusserlich sol man der schmersleydenden seite also zu hilff komme. Man sol auch Cardo benedict / oder der andern jes berürten kreuter eins / in Baumöl / oder butter / oder Leindöl (d̄ am bestē / wer es geruchs halben leiden möchte) sieden lassen / durch ein leines tuch seyhen vnd trucken / so durchgesiegen vnd getruckt mit demselben sol man die schmersleydent seyten gar offt warm schmiren. Man sol auch darium ein wüllen fleck eines tallers gross / er sey blaw / rot / oder ander farben nesen / vnd d̄ sol ein wenig davon abtrucken / vnd warm über die stecchend seyten geleg / Und diß sol auch offt beschehen. Die weil auch bey diser frankheit grosse hiss ist / so sol man über beide schläff / stirn vnd Puls vorn an beiden Henden / deren oberschlag einen / so ich droben in der Pestilenz vnd hieunden in der Vingerischen frankheit verordnet anwenden. Die solen an Füssen sol man mit eßig darinn salz vermischet sey offe reihen. Man sol auch viermalens sich mit eßig vnd wasser vnd einer vermenkt / oder mit deren Gurgelwasser eine / so man hieunden in

der Ungierischen frankheit verzeichnet finde/gurgeln/vnd die Zungen schaben. Zu seinem täglichen vnd stetten trank/sol er eben dīs frank brauchen/ so ich droben denjenigen/die mit der Pestilenz behaftet/verordnet. Durch diese mittel allein/ werden die Brust geschwehr/Seyten stechen/Husten vnd enge des Athems/Zumal on die Aderlāß abgewendet. Dieser gestalt ist auch diese Terra Sigillata wider andere inwendig/giftigen geschwehren mehren anzuwenden.

Zum Vierdten/Wann einer mit dem Pestilenzischen/giftig genaft/behafft wirt/ So sol er diese Terram Sigillatam in deren wasser einem/die ich droben in der Pestilenz vnd Brustgeschwehen verordnet einnehmen/vnd gar wol darauff schwizzen/ auch sich nachfolgends aller dings halten/wie von den selben frankheiten angezeigt.Den Latwerg von Engelsisch/Fenchel/rz.dessen verzeichnus man droben in der Pestilenz finde/ sol er gar oft vnd fleissig brauchen. Über bede schläff/stirn/pulz vorn an beden henden/vnd embden hals/sol man Flohkraut/oder Gensereich/in Rosen/ oder holder blü/ oder gemeinen essig gesotten/über schlagen/vnd oft erfrischen. Oder man mag auch an deren statt/den überschlag von den Krebsen/oder die andern/so ich droben in der Pestilenz zu abwendung dess Hauptes his verordnet/gebrauchen.. Vorn am Leyb über bede brüst/sol man auch jek bemelten überschlag von den Krebsen anwenden. Oder man mag an dessen statt ein doppelt leinen thuch/in ein Rosen oder Holderblü/oder gemeinen essig/darinn zimlich vil klein geriben Alann vermengt sey/nezen vnd überschlagen/rz. Die Solen an fassen/sol man ihm oft mit essig darinn Salz vermischt sey/reyben. Dīs sol alles ein gute weil nach dem schweiß beschehe. Aber der überschlag über die schläff/stirna/pulz vnd umb den Hals/mag auch in schwizzen gebraucht werden. Die Breun sol also abgewendet werden. Man sol nennen den Safft von Lebendigen gestossnen Krebsen/vnd Rosen oder Holderblü/oder gemeinen Essig jedes gleich/wol vnder einander gerürt/vnd sich oft damit gegurglete. Oder man sol an dessen statt der nachfolgenden wasser eins gebrauchen. Man sol nennen ein halbe mas Braunellen/oder Haufwurz/oder Sausrampfer/oder Ochsen jungē/oder Dehdistel/oder Lindenblü/oder breitwegrich/oder Saurklee/oder Seeblumen/oder Mangold/oder Rosen wasser/vn vnder deren wassern eins/zmen löffel vol Saurach safft/

safft/vnde ein halb lot Salneer mengen/vn sich/wie bemelt oft gurgeln. Anstatt des Saurach safft mag man auch nennen Maulber oder S. Johannis Berlein Safft. Man sol auch die zung oft mit einem jungen scheberlein schaben/ auch ein schwemklein/oder thüchlein von einem Scharlach an ein riedlein binden in dīs wasser nehet vnd also hinden in Hals fahren/vnd alles wol darmit aussubern. Man mag auch wol bis weilen/vom bemelten wasser etwas hinab in Leib lauffen lassen. Zu seinem täglichen vnd stetten Trank/sol er eben dīs frank branchen/ so ich droben in der Pestilenz verordnet. Vor der Lāß sol man sich als einem Gifft hüten. Diese frankheit hat ein theil vermeinte ärzte auff ein news widerum in die schul gefärt/das sie ihren lang hergeübten Methodum oder Proces verändert/ das aber (leyder) erst nach grossem schaden vnd verderbung der franken beschehen/Gott verzeihe ihnen/vnnd geb gnad/das sie sich auch in andern stücken mehr darinn sie hochlich irren/weisen lassen. Wer vor dieser frankheit/ auch obberürten Seyten stechen/ vnd Brust geschweren/ wil bewahret sein/ der sols wochentlich anzuwenden wie droben in der Präseruierung der Pestilenz angedeutet.

Zum Fünften kan man diese Terram Sigillatā nūslich brauchen/wider das Vierteiglich vnd allerley Fieber/ wann mans in deren wasser oder tränken einem/ so ich droben in der Pestilenz vnd Brustgeschwehen verordnet/ zwei stund zuvor che das Fieber kostet sol/einnehmen/vnd wol darauff schwizzen thut/vn dīs sol her nach so oft beschehen/bis das Fieber gar nach gelassen. Wann der Magen (Inmassen offter mallens beschicht) auff geschwellen thut/ So sol man in im tag etlich mal mit deren vler einem/ so ich hernach im Grünen verordnet werde schmiren/vnd nach verzeichnets pflaster darüber legen. Man sol nennen zwei oder drey gauffen vol Haber oder Weizen fleyen/in ein hasen oder pfann gehan/ darüber so viel essig gossen/das es ein mues gebe/ein halbe stund vngefährlich gesot ten/dann in ein leines Säcklein Pflasterweiz gestrichen/vnd zimlich warm(das der Krank erleiden mag) über den magen gelegt. Wann es kalt worden/sol mans widerumb wermen/vn oft ein frische Matzteri darzu genommen. Che das man aber diese Terram Sigillatam anwendet/sol die Person zuvor wol purgiert sein. Und also werden die Fieber von grund auf curirt/ aufgenommen die Schwindsucht/ darzu noch etwas mehrs gehören thut/dauon aber zu anderer zeyt gehandelt sol werden.

Zum

Zum Sechsten ist diese Terra Sigillata gar dienstlich vnd gut wider die Wassersucht vnd allerley Farbsucht / so man sonst Gelbsucht nendt / anderst nit gebraucht als wie sekundt von den Fiebern berichtet.

Zum Siebente ist diese Terra Sigillata gut wider allerley Grimmen oder Reissen im Leib / wann mans in einem kleinen trünklein warmen Baumöl / oder Siesch mandel ol / oder zerlassen butter / oder Lein oder Lor ol (welche zwey dem sie nit zu wider / am besten weren) einnehmen thut. Wer es also nicht wol trinken kan / der mag darzu mengen ein Muscatell / oder Reinfall / oder sonst einen guten fleschen wein. Wer auch schmerzhens halben nit darauff schwizzen kan / der darf nit schwizzen / Aber sol sich sonstien warm halten. Inn vnd vmb den Nabel / vnd wo er sich schmerzlich befindt / sol man ihn mit nachfolgendem ol oder Selblein offt vnd viel mal warm schmiren. Man sol Cardo benedict kraut inn Baum oder Lein ol oder Butter zwö stunde oder etwas lengers sieden lassen / vnd darnach durchscheyhen vnd trucken / vnd was durch gesigen vnd getruckt / mit demselben sol man ihn (wie angezeigt) schmiren. Diese sek bemelede ol weren viel freffiger wann mans nach dem sieden Distilliert hett / vnd zur notturft behalten. Man sol auch einen Wüllen fleck unes Tällers grob in dieser ölen eins nehen / das ol ein wenig davon abtrucken / vnd warm über den Nabel legen vnd offt erwidern. Anstatt Cardo benedict mag man Schelkraut / oder Brennendnessel / oder Berenklaue / oder Vermuth nennen. Vor kaltem vnd saurem essen vnd trinken sol er sich als einem Gifft hätten. Also auch vor Purgieren vnd Cristieren / Damit man in gemein die Leut pflegt zu blagen / Dann dar durch die Contractur (wie man aus erfahrung weiß) geziiglet wirdt. Wann die Krankheit auf ein eingenoßten Terra Sigillata nit gar weg gangen / so sol man noch offter eins brauchen.

Zum achten wirdt durch diese Terra Sigillata die Contracturoder Leme von grundt aus abgewendet / Man sols in einem kleinen trünklein warmen Rautten / oder Erdrauch / oder Cardo benedict wasser / oder inn einem Meth oder Bier / oder Reinfall / oder Maluasier / oder Muscatell / oder Allandt / oder Cardo benedict / oder Salue / oder Benedict wurz / od Regel / oder Weckholderbeer / oder Rosmarin / oder sonst gemeinen Wein oder Suppenbrülein / einnehmen / vñ in einem schweißbad (das allein von Weckholder Stendlein / oder

oder Schelkraut / oder Berenklaue / oder Ehren preis / oder Gamander / oder Menwel wurz / oder Tausentgulden Kraut sol zugericht sein) gar wol darauff schwizzen / so lang es die krafft vnd natur erledigen mag. Im bad sol man neben den Juncturen oder geleych mit deren ol oder Salben einer / so ich nechshicoben im Grinnen zum bauch aufwendig verordnet gar wol schmieren. Der bader sol man etlich vnd vil brauchen / vnd alle tag oder über den andern tag eins. Wann mans aber nit alle tag braucht / so soll man denselben tag / an welche man ruhet / die Juncturen oder geleych (wie auch sonstien wann man badet) zu morgens / vnder tags / vnd nachts mit bemelede ol oder Salben einer warm schmiren. Wer mit diser frankheit behafft / sol sich eben vor dem häuten / darior sich häuten sol / so das Grinnen hat.

Zum neundten / Ist diese Terra Sigillata gar ein bewerte Arseny zu dem Griess oder Sande / Harn wind vnd verhaltung des Wassers. Es sol ein jede Person ihrem alter nach vier gersten oder Pfeffer körner weniger als droben in Curirung vnd heylung der Pestilenz verzeichnet / in einer kleinen trünklein weckholderbeer / oder Erdber / oder Cardo benedict / oder harnkraut / oder Stallkraut / oder Storkenschnabel / oder Sibernekkraut / oder Peterlinkraut / oder Meerhirschenkraut / oder Körppfel / oder Manstrew wasser / oder in einem Meth / oder Reinsfal / oder Allandt / oder Cardo benedict / oder Wehrmuth / oder Benedict wurz / oder Rosmarin oder Weckholder beer / oder sonst gemeinen Wein einnehmen / vnd gleich darauff in ein Lenden bad / allein von acht oder neun handvol Stallkraut oder Manstrew kraut / oder Weckholder stendlein / oder Sanct Johannis kraut zugericht / bis an nabel siken / vnd solang baden bis der schmerz weg gange. Man sol aber achtung geben / daß das bad mit zu heiß seye. Nach dem bad sol man die Lenden oder geschlossen mit Leinöl / darinn Manstrew oder Stallkraut gesotten sey / oder mit S. Johannis ol warm schmiren. Wann durch ein bad der Sandt nit gar weg genoßten / so sol man folgende zeit offter eins brauchen / Und so oft bis man nichts mehr spüren thut. Ist auch sach / ob sich ein grosse verstopfung des Leibs (wie gemeinlich bey diesem anlichen beschicht) angesetzt / so sol man zuvor dere Stulzäfflin eins / so ich droben in der Präseruierung vnd bewahrung vor der Pestilenz verordnet / anweden / vnd weren gleichwohl hierzu die lezt gezeigten Stulzäfflin von Senet zugericht am besten. Der aber auff den Griess oder Sande genaturt

genature vnd hinfür darvor wil bewahret sein/der sol seinem alten
nach wochentlich einmal oder zwey/oder dreymal außs meist von di-
sem Terra Sigillata souil vnd der gestalt morgents nächtern ein-
nehmen/ als droben in der Präseruierung vor der Pestilenz verord-
net. Doch wer auch heneben nuz vnd dienstlich / das einer Monat-
lich ein geringe Purgation gebraucht het. Wer diesem Raht nach
kompt/darff sich des Gries oder Sandes mit besorgen.

DUm Zehenden / Ist diese Terra Sigillata gut zur Reinigung
der Mutter/vnd verhaltung der Weiber Blumen. Man sols
einnemen in einem kleinen trünclein Cardobenedict/oder Be-
renklaw/oder Beyfus/oder Metter/oder Wegwart/oder Melissen/
oder Bethonica / oder Andorn/oder Erdtrauch/oder Tausendgül-
den wasser. Oder wann man diser wasser eins nit haben kan/sol man
an deren statt Cardo benedict/oder Allande/oder Wehrmuth/oder
Rosmarin/oder Wechholder beer oder sonst gemeinen wein/ oder ein
warmis Suppen brülein gebrauchen/vnd wol darauff geschwizt. In
vnd vmb den Nabel/Geschlossen vñ hinden am Creuz des Ruckens/
sol man die frank Person mit deren kreuter ölen oder Säblin ei-
nem/ so ich im Grünen verordnet/öfft vnd etlich mal warm schmie-
ren/vnd sich auch sonst vnd nachfolgents halten/wie im Grünen
vermelt. Ehe das man aber diese Terram Sigillatam braucht/sol
der Leib zuvor zimlich purgirt sein.

DUm Elfften / Ist diese Terra Sigillata gut für das Mutter
Zwehe/vnd auff stossung derselben. Man sols einnehmen in deren
wasser oder tränker einem/so ich nechst hie oben in der Mutter
Reinigung verordnet/vnd gar wol darauff schwizzen. Inn vnd vmb
den Nabel / sol man die frank Person mit nachverzeichneten öl o-
der Säblin öfft vnd vil mallens marin schmiren. Man sol Metter
kraut im Baum oder Lein / oder Nuss öl / oder butter sieden lassen/
vnd daraus ein öl oder Säblin machen/wie droben im Grünen an-
gedeigt. Man sol auch einen wullen fleck eines tallers groß dareinnes-
ken/vnd das öl einwenig abdrucken vnd warm über den Nabel lie-
gen. An Metterkraut statt mag man nemmen Stabwurz/ob stink-
hende Gamillen/oder Liebstückel. Man sol ihr auch der jex gedachten
kreuter eins stetts für die Naslocher halten/daran fierische. Son-
sten vnd nachfolgends sol sie sich halten aller dings/wie im Grü-
nen angedeigt. ;

Zum

DUm Zwölften/Ist diese Terra Sigillata gut wider das Rück-
Zwehe / so von flüssen oder geblüt kompt. Man sols einnehmen in
deren wasser oder Tränker eine/ so ich droben in der reinigung
der Mutter verordnet / vnd gar wol darauff schwizzen. Vor vnd
nach dem schweiss/sol man ihr mit deren Kreuter ölen oder Säblin
einem/ so ich droben im Grünen verzeichnet / an dem Rucken da er
sich schmerlich empfindet schmiren.

DUm dreidehenden / Ist diese Terra Sigillata gut zu auf trey-
bung alles verstockten bluts/ auch zur reinigung des ganzen ge-
bluts im Leib/ Item zu allen unwillenden/unerkannten/ gehelin-
gen frankheiten. Man sols eben also brauchen/ Wie jex vom Ku-
ckenwehe gemeldet. Wer es auch im Jar etlich mal einnimpt/ vnd
darauf in einem Bett oder kreuter bad (vonderen kreutern einem/
so ich droben in der Contractur oder Lemie verzeichnet / zugericth)
wol schwizzen thut/der darf kein Ader öffnen lassen/ vnd ist im auch
vil vnd weit besser/nuzlicher vnn gesunder / dann das Aderlassen/
dardurch bisweilen mehr guts dann böß weg genommen wirt. In
Summa es ist ein solch gwaltige reinigung des gebluts / vnd durch
auch der Aussatz kan vertrieben werden / Inmassen ich dann darmit
etlichen an diser schwehren frankheit(wie wissentlich) geholffen.

DUm Vierdehenden / Kan man die Terram Sigillatam ganz
verspreußlich brauchen zur Fallend sucht / Freys oder Bergicht/
Schlag oder Gewalt Gottes / Labung vnd erquickung des Le-
bens/ Wie ich dann damit gar vil Leut / so in Todtsnoten gelegen/
vnd gar nit mehr reden können/der massen erquicket/das sic die sprach
widerumb bekönnen. In diesen sellen/ sol man der Terra Sigillata
so viel eingeben/als droben inn der Präseruierung vnd bewahrung
vor der Pestilenz berichtet. Wann man aber die Fallend sucht vnd
Schlag von grund auf heilen wil / so muß man sic zuvor wol Pur-
giren / vnd hernach offtermallens dieser Terra Sigillata so vil ein-
geben/ als droben in der Curirung vnn heylung der Pestilenz ver-
ordnet/vnd allweg darauff geschwizt.

DUm Fünfdehenden/Wer in der wochen ein mal oder zwey von
diesem Terra Sigillata etwas einnimpt / dem wirt das haupt/
Gedechtniß/Vernunft/Sinn/vnd der ganz Leib gewaltig ge-
sterckt. Es hat auch einer daran ein gutes Präseruatiss für die schwin-
del vnd vllerley frankheiten. Wie viel aber ein jede Person res als
C ij ters auff

ters auff einmal einnehmen sol / wirt man droben in der Präseruierung vnd bewahrung vor der Pestilenz gnugsam bericht finden.

TUm Sechzehenden vnd Summariter zu melden ist diese Terra Sigillata ein frefftig vnd bewerte Arseney zu den Franckheiten vnd des Weilz/vn allerley anderer innwendiger glieder verstopfung/auch zu andern franchheit noch vil mehr vnd ist bevorab zu diesen franchheiten zu brauchen/darzu man bisshero das Indianisch holz/so wir doch beh vns in Deutschland dergleichen holzer viel besser vnsrer Constitution nach vnd hauffend weiss wachsend haben/das von ich in meinem Herbario(wils Gott)wie auch von andern bauen/freutern/wurzen/zc. Mehr/so bey vns ganz gemein / vnd aber doch ir Tugenden vnd krafft bis anhero nie erkandt/vnd im brauch gewest/auffürlich vnd mit rechtem grunde berichten wil) gebrucht/ Und was disz holz nicht kan verrichten/verricht diese Terra Sigillata. Das es aber zu sould franchheiten gut vnd ersprißlich / darf sich niemand verwundern/ Dann die Proben vnd Exempel am tag/kans auch/wan es die noth erforderet nit mit wenig Rationibus vnd Argumentis darthun/ Innassen dann wol etliche in diesem meinem bericht(wer achtung darauff gibe) zufinden seind. Aber du mein wider sacher/wer du bist/sihe an dein Indianisch holz/dein Teriacam/dein Mithridatium/dein Auream Alexandrinam/ dein Agaricum/dein Turbit/dein Rhabarbarum/deine Hieras/deine Philonia/deine bas der/zc. So wirt dir schon geantwortet sein. Wer dem Gewicht vnd Bericht nach handelt/wirt nit fren.

TUm Siben zehenden/Damit am Bericht nichts mangle/sol man allhie etliche Regel mercken. Anfenglich wann man die Wasser so hin vnd wider in diesem Bericht verordnet nit haben kan/Sol man an deren Statt(wie es auch besser wer) die freuter in Wasser sieden vnd(wie hemelt) brauchen. Und ob wohn ich subtiller vnd künftlichere zubereitungen wouste anzeigen / so las ichs doch/ damit der Bericht nit zu gross werde/ verbleiben. Es wurd auch mit ein jeder den fleiß vnd mühe darzu anwenden. Item diewell nit vberal bey den franchheit berichtet/wie vil man des Terra Sigillate einnehmen sol/so sol man wissen/ das allwegein jede Person ihrem alter nach/sould einnehmen sol / als droben in der Curiung vnd heylung der Pestilenz ordentlich verzeichnet. Item man sol auch fleißig merken wann auff ein mal durch ein eingetane Terra Sigillata die

die franchheit nit gar weggangen (wie nit allzeit wol möglich) so sol man öfter eins brauchen/kans auch einer nit alle tag nacheinander einnehmen/so mag er allweg einen tag ruhen/vn auff den dritten tag hernach brauchen/vnd also fort an / bevorab/wann es nit giftig vn gar hefftige franchheiten seind. Item was in franchheiten für zufell sich begeben/wirt einer bericht haben/da ich von der Pestilenz gehandelt. Item es sol ein jeder wol wissen/das er grob vnd ewige speiß vnd frank meyden sol. Item wann einem die Bitterkeit in diesem Terra Sigillata zu wider wer/ So mags einer einnehmen(es sey gleich was für ein franchheit/darzu es/wie oben berichtet/gut ist) in einem methi oder mags vnder Zucker oder Honig/ weil es nicht vil ist / mengen. Item mansol achtung geben/dz mans morgens nüchtern einnehmen/ vn brauche/vnd drey oder vier stund ungeschärlich darauff faste/ Insonderheit wan es nit giftig/geschwind vn gar schmerzhliche franchheiten seind. Dann in solchen franchheiten muß man nicht auff die morgenzeit sehen vnd warten / Sonder als bald vnd von stundan anwenden/doch nicht gar gleich auffs essen.

TUm Achzehenden/damit kein betrug vnd falsch mit diesem Terra Sigillata geäbt werde / wil ich anzeigen/ wie mans proben sol. Man sol ein wenig von diesem Terra Sigillata auff einmesser spiz legen/vnd zu einem leicht heben/ So wirts von stundan anfangen brennen/vnd gar ein überaus lieblichen geruch (wie es dann auch sonst lieblich riechen thut/wans schon nicht angezündt wirt) von sich geben/ und ganz vnd gar verbrünnen. Dardurch ist nun leichtlich abzunüthen / wie vnd was gestalt es durch alle glider (das doch ohn allen schaden vnd verlesung derselben beschicht) Penetrire vnd gehn/ auch das unrein vnd überflüssigkeit weg nennen kan/das den groben ungescheidnen Arseneyen zu thun unmöglich. Da aber ein neydisher mensch jemand die Arseney verleiden wolt/mit fürgebung/weils aufwendig britunc/so muß sie auch im Leib also brunnen. Herauff sol man wissen/das es gewißlich nit also zugehe/sonder eben der gestalt / als wann man Myrrhen / oder Weyrach oder Mastix bey einem leicht anzündt / so brunnen sie auch/aber beschicht drumb im leib nit/sonder seind(wie man weiß) vnschiedliche Arseneyen. Also sol mans auch von diesem Terra Sigillata verstehn. Ferner so ist sie auch häublich bitter / und wann einer wenig danon versucht/so empffindt er als bald das es vor stundan in Kopff rieche/

vnd den selben stercke. Ober dich wann mans puluert / vnd dar-
nach in ein Wein oder Wasser thut / so gilt sie es / vnd schwimbt ein
theil ob wie ein ol oder feyste / vnd ein theil fett gehn boden. Es zer-
geht zwar von ihm selber auch ein einem Wein oder Wasser / aber
langsam. An der forn ist sie braunlecht vnd rund / vnd mein Namen
mit Einzigen Buchstaben darauffin Triangeln. Es ist auch diese
Terra Sigillata in dem fünffzigsten Jar so gut vnd krefftig / als
in dem ersten Jar / wann mans nur an kein feuchten oder dampf-
gen orth auff behalten thut /

Probatlich vnd zum Beschluß / da mich etwa ein theil vermeinte
Arzte dieses meinen Berichts / vnd Meihodi halben / die weita-
der selb nit auff die gemein falsch Gengen gerichtet / stumppsi-
ren wurden / Inmassen ich dann wol weiz / das es nicht ganz vnd
gar lehr schlagen wirdt / so sol man wissen / das dasselb von ihnen an-
derst nicht beschicht / als auf neyd / misgunst vnd unverstandt / das sie
dieses meines Terra Sigillata eigenschafft vnd wirkung nit erken-
nen. Aber es ist bishero meinen Meisgonstern etlichen vermeinten
Arzten das matl durch die vifaltige Exempla gestopft worden / sol
ihnen auch hinfür durch dieselb gestopft werden. Der Exempt
seindetlich Tausend / darumb mir zeugniß geben / Beheim / Beyren /
Schwaben / Ober vnd vnder Oesterreich / Pfalz / Meierhau / Bos-
densee / Algovia / Dordgow / vnd andere Landschafft vnd Herrschaff-
ten mehr. Kan mir auch kein einzige Person (Gott lob) fürgestellt
werden / die dardurch wer verderbt worden / wie dann auch keine mit
warheit sagen kan / das sie ihr vbel bekommen / oder ein iacopinatum
accidens darzu geschlagen wer / das doch sonst offt von gar linden
Arzeneyen als Cassia / Manna / re. beschicht. Da sie aber meine wi-
dersicher damit noch nit wollen gestift sein / sollen sie wissen / das ih-
nen künftiger zeit (mit verleihung Götlicher gnaden) durch mich
schriftlich nach der gebür sol auch geleitet werden / wie etwan hier vor
auch durch etliche mündlich / auch öffentlich Colloquia beschehen.
Vnd obwohl diese Terra Sigillata wegen seiner fürtrefflichen zus-
gend vno eigenschaffen allein für grosse Potentaten als Kaysen /
König / Fürsten vnd Herren gehöret / Hab ichs doch auch dahin rich-
ten wollen / das es die schlechten vnd Armen Leut eben so wol als die
aller gwaltigsten vnd Reichen geniesen vnd theilhaftig sein / vnd
vurnotturft haben mögen / vnd also damit nicht einer Statt vnd
Landt /

Lande / sonder vilien gedient könne werden. Wer demnach die selb
begehr zu haben / der kan es bey mir an jeso zu Thonawerde / oder
bey meinem geschlechte / da ich nit mehr im Leben wer / vmb ein gar ge-
ringes gelt (souil sonst gar schlechte Arzeneyen inn der Apothecken
kosten thun) Nemlich eins vmb vier basen bekommen / vnd sol kei-
nem versagt werden. Daran hat einer nicht einen schlechten Schatz
für vilerley schwere frankheiten. Mir zweiffelt auch nit / werden
vli vnder meinen widersachern sein / die darmit künftlen vnd hoffart
treiben werden / vnd darneben fürgeben / es kom von ihrer eignen
kunst her. Mit der zeit wil ich auch meniglich zu nutz vnd frommen
einen Bericht im Druck aufzehn lassen / wie ihm ein jeder selb über
land vñ sonsten (durch Götliche verleihung) am Aussatz / Schwind
sucht / Podagra / Fissel / Krebs / Wolff / Stein vnd Brüch ohn
schneiden / auch all andern frankheiten / so man bishero für heylbar
vnd unheilbar gehalten / von grund auf helfen / vnd mit gar wenig
stücken ein ganze Apothecken haben können. Das ich aber an
denen jcz benendten Frankheiten (durch Gottes
genad) vilien geholffen / darf keines be-
zeugens / dann es Lande-
kündig.

Gott allein gib ich Preys vnd ehr /
Der allen meinen feinden wehr.
Liegen sy viel von mir an neydt /
Wirt ihnen bringen schlechte freude,
Leichter iſt das gut vnd recht schenden /
Dann nach zuuolgn vnd besser wenden.

D I X I.

Anno Salutis. M. D. L X X X I.

Getruckt zu S. Gallen / bey
Leonhart Graub.